

ԱՐՁԱՆԱԳՐՈՒԹՅՈՒՆ

Գեղարքունիքի մարզի Վարդենիս համայնքի Շատվան բնակավայրում կրթահամալիր կառուցման շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ

10.01.2024թ.

Շատվան բնակավայր

Հանրային լսմանը մասնակցում էին՝

- հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը,
- Վարդենիս համայնքի ղեկավարի օգնական՝ Ալիկ Եղիազարյանը,
- Շատվան բնակավայրի վարչական ղեկավար՝ Արսեն Մինասյանը,
- Տարածքային զարգացման հիմնադրամի մասնագետ՝ Դավիթ Եսայանը,
- «Լուք» ՍՊԸ-ի ներկայացուցիչ՝ Արտակ Կարապետյանը,
- Շատվան բնակավայրի դպրոցի տնօրենը՝ Ֆրունզիկ Գևորգյանը և բնակիչները:

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն, այսուհետ՝ Օրենք) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ /այսուհետ՝ Որոշում/ սահմանված կարգով 2025թ. հունվարի 10-ին ժամը 12:00-ին Վարդենիս համայնքի Շատվան բնակավայրի վարչական շրջանի ղեկավարի նստավայրում տեղի ունեցավ Շատվան բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության երկրորդ հանրային լսումը:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի փորձագետ Ռուզան Մակինյանը, ով հանդես եկավ բացման խոսքով՝ ներկայացրեց փորձաքննական գործընթացը և կատարված աշխատանքները:

Հաշվետվությունն Օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններին կարծիքներ ստանալու համար: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնք հաշվի են առնվել լրամշակում կատարելիս և հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը նախաձեռնողի կողմից լիազոր մարմին մուտք լինելուց հետո, օրենքով և կառավարության Որոշման պահանջներին համապատասխան նշանակվել է հանրային լսում: Այս հանրային լսումն օրենքով 2-րդն է, 1-ին հանրային լսման արդյունքում համայնքի ավագանին տվել է իր նախնական համաձայնությունը:

Համաձայն կառավարության Որոշման շահագրգիռ հանրության գրավոր կամ էլեկտրոնային կարծիքները, դիտողությունները կամ առաջարկությունները՝ առկայության դեպքում պետք է ներկայացվեն ծանուցումից հետո՝ 20 աշխատանքային օրվա ընթացքում փորձաքննական կենտրոն:

Այսուհետև Ռուզան Մակինյանը ներկայացրեց նախատեսվող գործունեության վերաբերյալ տեղեկատվությունը, թե ՇՄԱԳ հաշվետվությամբ ինչ է նախատեսվում իրականացնել, ներկայացրեց կառուցապատման տեխնիկական ցուցանիշները՝ նախագծի հետ

համեմատելու և տվյալները ճշգրտելու նպատակով, ինչպես նաև շինհրապարակի կազմակերպման աշխատանքները: Փորձագետը ներկայացրեց շրջակա միջավայրի վրա ազդեցությունները և ՇՄԱԳ հաշվետվությամբ ներկայացված ազդեցությունների մեղմման վերաբերյալ նախատեսված միջոցառումները մասնավորապես՝ փոշենստեցման, շինհրապարակում անիվների լվացման հարթակի, աշխատանքների ավարտից հետո տարածքի բարեկարգման և կանաչապատման և այլնի վերաբերյալ:

Շատվան բնակավայրի դպրոցի տնօրենը՝ Ֆրունզիկ Գևորգյանը հարցրեց նախատեսված 140 աշակերտի փոխարեն անհրաժեշտության դեպքում կարող են արդյոք ավելացնել աշակերտների քանակը:

«Լուր» ՍՊԸ-ի ներկայացուցիչ՝ Արտակ Կարապետյանը պատասխանեց, որ չնայած, որ նախագծով դասասենյակները նախատեսված են 12 աշակերտի համար, բայց մինչև 18 աշակերտ կարող են սովորվել:

Շատվան բնակավայրի դպրոցի փոխտնօրեն՝ Սահակյան Անժելան նշեց, որ կան առարկաներ, որի դասավանդման համար անհրաժեշտ է կիսել դասարանները, նախագծում արդյոք հաշվի է առնվել այդ հանգամանքը:

Արտակ Կարապետյանը պատասխանեց, որ նախատեսված են օժանդակ սենյակներ, ինչը կարելի է օգտագործել ըստ անհրաժեշտության:

Ֆրունզիկ Գևորգյանը հարց բարձրացրեց ֆիզիկայի, քիմիայի և կենսաբանության լաբորատորիաների վերաբերյալ:

Արտակ Կարապետյանը պատասխանեց, որ նախագծով բոլոր անհրաժեշտ առարկաների համար նախատեսված են դասասենյակներին կից լաբորատորիաներ:

Ռուզան Մակինյանը հավելեց, որ ՇՄԱԳ-ում անհրաժեշտ է ուղղել մթնոլորտային օդ աղտոտվող նյութերի հաշվարկը համաձայն մինչև 10 հազ. բնակչության:

Ռուզան Մակինյանը առաջարկեց շինարարական աղմկահարույց աշխատանքների ընթացքում աշխատավայրում իրականացնել աղմուկի և թրթռի գործիքային չափում:

Առաջարկը ստացավ դրական արձագանք և ընդունվեց կազմակերպության ներկայացուցիչների կողմից:

Ռուզան Մակինյանը հավելեց, որ նախատեսվող գործունեության տարածքում բացակայում են Կարմիր գրքյան բուսատեսակները, կենդանատեսակները, ինչպես նաև բնական հուշարձանները: Նշվեց նաև, որ տարածքում հայտնաբերվել են 15-17-րդ դարերի գերեզմանոց հուշարձաններ, որոնց սահմանները չեն հատվում շինարարության տեղամասի սահմանների հետ:

Հանրային լուծմներում այլ առաջարկներ և դիտողություններ չներկայացվեցին:

Հանրային լուծմներն ամբողջությամբ լուսանկարվել է «Շրջակա միջավայրի վրա ազդեցության փորձաքննական կենտրոն» ՊՈԱԿ-ի և Վարդենիս համայնքի աշխատակցի կողմից:

Արձանագրությանը կցված է հանրային լուծմների մասնակիցների ցանկը:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝



Ռուզան Մակինյան

«Լուր» ՍՊԸ-ի ներկայացուցիչ՝



Արտակ Կարապետյանը